



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 4. Vtrum omnia Sacra menta sint ad salutem necessaria.

[urn:nbn:de:hbz:466:1-72898](#)

Quæst. 65. De Numero Sacramentorum. Art. 2.3.4. 31

dicens; *Quomodo exaudit homicidam deprecantem vel super Aquam Baptismi, vel super Oleum, vel super Eucharistiam, vel super capita eorum quibus manus imponitur?* id est, qui absoluuntur à peccatis. De extrema Vnctione vide eundem lib. 2. de Visitatione infirmorum c. 4. qui liber, et si non constet omnino an sit Augustini, tamen non potest probari contrarium. De Matrimonio clare lib. de Bono coniugali c. 7. 15. 18. & 24. vbi docet Matrimonium esse indissolubile, & non amittit per diuortium, quia est Sacrementum: sicut Ordo nō amittitur, quia est Sacrementum. De Ordine c. 24. eiusdem libri & 1. de Bapt. cap. 1. vbi dicit Ordinem esse Sacrementum, sicut est Baptismus.

Secundò, Obiectio 7. Objecatio, Patres quādāt Pa-
tes nun-
quādāt nu-
merent
sepiem Sa-
cramenta.
Solutio-
rit,
7. Obiectio, Patres quādāt Pa-
tes nun-
quādāt nu-
merent
sepiem Sa-
cramenta.
Solutio-
rit,

*Quod Patres cū sermonem de Sacramentis ex professo instituant, nunquam numerant Septem Sacra-
menta, neque tractant de septem, sed tantum de tribus vel duobus: vt Dionysius, Iustinus, Cyrilus Hierosolitanus & Ambrosius.*

Respondeo Primo, Istud argumentum est ab authoritate negatiū, quo quiduis probari potest. Secundò, Illis Patribus non erat propositum trahere de omnibus Sacramentis, sed tantum de quibusdam quae ad illorum propositum pertinebant. Dionysius Arcop.lib. de Ecclesiastica Hierarchia tractat tantum de quatuor; nempe de Baptismo, Confirmatione, Eucharistia, Ordine: tamen epistola ad Demophilum meminit expressè Pénitentia. Ratio est, Quia ihsus mens non erat agere de omnibus vel de solis Sacramentis: nam agit etiam de Vnctione mortuorum, & consecratione monachorum, quæ non sunt Sacra-
menta: sed tantum agit de illis in quibus maximè cernitur officium Pontificis, & functio hierarchicæ: vt patet ex initio libri. Cyrilus autem & Ambrosius & etiam Iustinus tantum agunt de illis Sacramentis quæ in initio recipi solent, quando aliquis cooptabatur in Ecclesiam: quæ sunt, Baptismus, Confirmatio & Eucharistia. Patet hoc ex præfationibus & initijs ipsorum librorum. Cyrilus enim Neophy whole quoque dicit se velle tractare de ijs quæ iam experientia edocti fuerant. Et Ambrosius, De Sacramentis, inquit, quæ accepisti, sermonem adorior. Vnde patet ex Patribus nullum esse testimoniū quo vel in speciem hic numerus refellatur. Quamvis enim non numerent ex ordine septem Sacra-
menta tamen apud illos omnia varijs locis reperiuntur, vt fūsi ostendetur cū agemus de singulis.

ARTICVLVS II.

Vtrum Sacra-
menta conuenienter
ordinentur secundū modum
predictum?

8. Dicit hoc articulo hunc esse ordinem Sacra-
mentorum: Baptismus, Confirmatio, Eu-
charistia, Pénitentia, extrema Vnctio, Ordo, Ma-
trimonium. Quo ordine etiam à Concil. Trident. scilicet 7. can. 1. & à Florentino in Instruzione Ar-
menorum enumerantur. Vide D. Thomam. Hic
solum notandum, hunc ordinē esse assignatū iuxta
ordinem procedendi, quo Ecclesiæ membra per-
ficiuntur, primò in seip̄s, deinde respectu aliorū.

ARTICVLVS III.

Vtrum Sacra-
mentum Eucharistia
sit potissimum?

R. Respondeo: Sacra-
mentum Eucharistia esse
præstantissimum. Est definitū à Concil. Tri-
dent. scilicet 13. c. 3. Et scilicet 7. can. 3. definit Sacra-
menta non ita esse inter se paria, ut nulla ratione
aliud alio sit dignius. Quod est contra Caluini-
stas, qui volunt omnia Sacra-
menta esse paria, quia
vbique pars est verbi Dei dignitas, quo Sacra-
menta constant.

Ratio Conclusionis est, Quia Eucharistia con-
tinet ipsum fontem omnis gratiæ, cum tota ple-
nitudine suorum meritorum: reliqua Sacra-
menta tantum continent portionē quandam merito-
rum Christi, & certam gratiæ mensuram. Deinde,
reliqua Sacra-
menta consistunt in vsu & motione
quadam transeunte; non enim sunt, nisi dum susci-
piuntur: Eucharistia autem est Sacra-
mentum permanens. Vnde à Dionysio c. 3. parte 1. de Eccle-
siastica Hierarch. recte vocatur *Tertia Ratio*,
id est, *Initiatio Initiationum*, seu Sacra-
mentum Sacra-
mentorum. Adde duas alias rationes, quas ha-
bet D. Thomas. Itaque Tertia Ratio est, Quia
reliqua Sacra-
menta ordinantur ad Eucharistiam,
tamquam ad finem. Quarta est, Quia omnia Sa-
cra-
menta in Eucharistia consummantur.

Quod ad reliqua Sacra-
menta attinet: Notan-
dum Primo, Singula habere quandam propriam
excellentiā, quæ ceteris præsunt: nam Baptismus Singula
excedit effectū; dimittit enim peccatum originale Sacra-
& omnem peccatum. Confirmatio excellit gratiæ
plenitudine, quæ datur ad fidei professionē. Pœ-
nitentia excellit quatenus excitat mortuos, & quia
lapsis est unicum remedium. Extrema Vnctio ex-
cellit quatenus tollit reliquias peccatorum; & etiā
interdum præstet effectū corporalem sanitatem vi
Sacramenti. Ordo excellit dignitate Ministrorum, &
quia hominem in sublimi gradu collocat. Matr-
imonium excellit ob significationem: significat
enim duplēm Christi unionem, hypotaticam
nempe & charitatis.

Notandum Secundò, Cū D. Thomas ait,
Extremam Vnctionē esse dispositionem ad Eucharistiam,
non vele ipsum dicere extremam Vnctionem ne-
cessariō præcedere, antequā Eucharistię sumamus
viaticum: nam extremo loco solet Sacra-
mentum extremæ Vnctionis infirmis conserui. Sed hoc di-
cit propter effectū Sacramēti extremæ Vnctionis,
qui est, tollere reliquias peccatorū: quibus subla-
tis, homo reparatur ad actionem Christo coniunctiorem,
qui proprius est Eucharistia effectus.

ARTICVLVS IV.

Vtrum omnia Sacra-
menta sint ad
salutem necessaria?

R. Espondet D. Tho. Baptismum esse omnibus
ab solutè necessariū: Pénitentiam omnibus
lapsis in peccatum mortiferum post Baptismum:
Ordinem non singulis, sed Ecclesiæ. Reliqua autem
Sacra-
menta non absolutè, esse necessaria, sed
vt cōmodius ad salutē perueniatur. De hoc plura
cū de singulis deinceps tractabimus.

Ccc iiiij

DE